

RIJASET ISLAMSKJE ZAJEDNICE U BOSNI I HERCEGOVINI je 13. 9. 2012. god., donio odluku o formiranju Komisije za slobodu vjere, sastavljene od devet članova, kao nezavisnog, stručnog i savjetodavnog tijela Rijasetu koja treba da pomogne Rijasetu kako bi uspješnije izvršio svoju ustavnu dužnost staranja o vjerskim pravima muslimana.

Komisija je nadležna za: promociju poštivanja slobode vjere, evidentiranje povrede prava na slobodu vjere pripadnika Islamske zajednice, informiranje pripadnika Islamske zajednice o njihovim vjerskim pravima i načinima pravne zaštite, saradnju sa državnim institucijama i srodnim organizacijama u zemlji i inostranstvu, predlaganje Rijasetu IZ zauzimanje stava ili aktivnosti po pitanju eventualne povrede prava na slobodu vjere pripadnika Islamske zajednice.

Komisija podnosi izvještaj Rijasetu o stanju prava na slobodu vjere pripadnika Islamske zajednice jednom godišnje.

Najvažnije odredbe o pravu na slobodu vjere u pravnom sistemu Bosne i Hercegovine:

1. Svako ima pravo na slobodu misli, savjesti i vjeroispovijesti; ovo pravo uključuje slobodu promjene vjere ili uvjerenja i slobodu čovjeka da, bilo sam ili zajedno s drugima, javno ili privatno, ispoljava vjeru ili uvjerenje molitvom, propovijedi, običajima i obredom.

2. Sloboda ispovijedanja vjere ili ubijedenja može biti podvrgnuta samo onim ograničenjima koja su propisana zakonom i neophodna u demokratskom društvu u interesu javne bezbjednosti, radi zaštite javnog reda, zdravlja ili morala, ili radi zaštite prava i sloboda drugih. (Član 9 Evropske konvencije o ljudskim pravima)

Prava i slobode predviđeni u Evropskoj konvenciji za zaštitu ljudskih prava i osnovnih sloboda i u njenim protokolima se direktno primjenjuju u Bosni i Hercegovini. Ovi akti imaju prioritet nad svim ostalim zakonima. (Član II.2 Ustava Bosne i Hercegovine)

Sva lica na teritoriji Bosne i Hercegovine uživaju ljudska prava i slobode iz stava 2. ovog člana, što uključuje: (...) g) Slobodu misli, savjesti i vjere. (Član II.3 Ustava Bosne i Hercegovine)

Svako ima pravo na slobodu vjere i uvjerenja, uključujući slobodu javnog ispovijedanja, odnosno neispovijedanja vjere. Isto tako, svako ima pravo prihvatiti ili promijeniti vjeru, kao i slobodu - bilo sam ili u zajednici s drugima, javno ili privatno - da na bilo koji način očituje svoja vjerska osjećanja i uvjerenja obavljanjem obreda, izvršavanjem i pridržavanjem vjerskih propisa, držanjem do običaja i drugih vjerskih aktivnosti. Svako ima pravo na vjersku pouku, koju će vršiti samo osobe koje na tu službu imenuje službeno tijelo ili predstavnik njegove crkve ili vjerske zajednice, kako u vjerskim ustanovama tako u javnim i privatnim predškolskim ustanovama i osnovnim školama i višim nivoima obrazovanja što će se regulirati posebnim propisima. (Član 4.1 Zakona o slobodi vjere i pravnom položaju crkava i vjerskih zajednica u Bosni i Hercegovini)

Šta je to diskriminacija na osnovu vjere i uvjerenja?

Prema članu 2.1. Zakona o zabrani diskriminacije diskriminacija na osnovu vjere i uvjerenje je svako različito postupanje, uključujući svako isključivanje, ograničavanje ili davanje prednosti utemeljeno na stvarnim ili pretpostavljenim osnovama prema bilo kojem licu ili grupi lica na osnovu vjere ili uvjerenja, kao i svaka druga okolnost koja ima za svrhu ili posljedicu da bilo kojem licu onemogući ili ugrožava priznavanje, uživanje ili ostvarivanje na ravnopravnoj osnovi prava i sloboda u svim oblastima javnog života.

Zabrana ovakve diskriminacije primjenjuje se na sve javne organe kao i na sva fizička ili pravna lica, kako u javnom tako i u privatnom sektoru, u svim oblastima, a naročito: zaposlenja, članstva u profesionalnim organizacijama, obrazovanja, obuke, stanovanja, zdravlja, socijalne zaštite, dobara i usluga namijenjenih javnosti i javnim mjestima, te obavljanja privrednih aktivnosti i javnih usluga. (Član 2. Zakona o zabrani diskriminacije)



RIJASET ISLAMSKJE ZAJEDNICE
U BOSNI I HERCEGOVINI

KOMISIJA ZA SLOBODU VJERE

PRIJAVA POVREDE PRAVA NA SLOBODU VJERE

NAJVAŽNIJE INSTITUCIJE ZA ZAŠTITU PRAVA NA SLOBODU VJERE:

INSTITUCIJA OMBUDSMANA BOSNE I HERCEGOVINE

Ovoj instituciji se može obratiti svako fizičko i pravno lice koje smatra da je povrijeđeno njegovo ljudsko pravo. www.ombudsmen.gov.ba

- Ured Banja Luka: Ravnogorska br. 18; 051 /303 992
- Ured Sarajevo: Grbavička br.4; 033 /666 006

USTAVNI SUD BOSNE I HERCEGOVINE

je najviša sudska instanca u BiH. Postupak pred ovim sudom mogu pokrenuti fizička i pravna lica koja smatraju da im je odlukom redovnog suda povrijeđeno neko Ustavom zagarantovano pravo.

www.ccbh.ba/bos

Ul.Reisa Dž. Čauševića 6, 71000 Sarajevo

UDRUŽENJE VAŠA PRAVA

Vodeća nevladina organizacija za pitanja ljudskih prava

Ured Sarajevo: Safeta Hadžića 66 A, 033/ 789 105

www.vasaprava.org

PRIJAVA POVREDE PRAVA NA SLOBODU VJERE

Podaci* o osobi koja podnosi prijavu:

Ime i prezime:

Adresa:

Zanimanje:

Datum rođenja:

Telefon:

Fax:

Email:

@

Kratko opišite povredu vašeg prava na slobodu vjere:

Kratko navedite da li su već preduzimani određeni koraci radi otklanjanja povrede prava na slobodu vjere i koji?

Datum:

Potpis:

Prijava se dostavlja KOMISIJI ZA SLOBODU VJERE, Rijasetu Islamske zajednice u Bosni i Hercegovini putem faxes, emaila, poštom ili lično na: **Fax:** 033/441-955 • **Email:** vjerskeslobode@rijaset.ba
• **Adresa:** Zelenih beretki br. 17, 71000 SARAJEVO

***Ako NE ŽELITE da Vaši lični podaci budu dostupni javnosti, molimo Vas da to navedete ovdje:**